

Bosna i Hercegovina
Federacija Bosne i Hercegovine
Kanton Sarajevo
JU Kantonalni centar za socijalni rad

Broj: 35/X-11-530-1637/20
Datum: 07.12.2020.godine

Kanton Sarajevo
Ministarstvo za rad, socijalnu politiku, raseljena lica i izbjeglice
N/r pom. ministrice g-da Slavica Gorančić

PREDMET: Odgovor na zastupničko pitanje, dostavlja se

Poštovani,

U vezi zastupničkog pitanja Nejre Dizdarević - zastupnice u Skupštini Kantona Sarajevo, kojim se traži odgovor na pitanje „zbog čega se duži vremenski period čeka na rješenja o hraniteljstvu koje izdaje Ministarstvo za rad, socijalnu politiku, raseljena lica, i izbjeglice Kantona Sarajevo“, obavještavamo vas kako slijedi:

-JU "Kantonalni centar za socijalni rad" Sarajevo, kao prvostepeni organ primjenjujući odredbe Zakona o hraniteljstvu FBiH, donosi dvije vrste rješenja, i to:

a) rješenja o podobnosti hraniteljskih porodica, za čije donošenje se provodi veći broj radnji kojima se utvrđuje postojanje preduslova za bavljenjem hraniteljstvom, te prisustvo potencijalnih hranitelja edukacijama čija organizacija i provođenje je u isključivoj nadležnosti Federalnog ministarstva rada i socijalne politike.

Početkom ove kalendarske godine suočeni smo sa izazovima uzrokovanim epidemijom koronavirusa, tako da proces organizacije edukacije potencijalnih hranitelja koju organizuje resorno federalno ministarstvo teče usporeno zbog propisanih epidemioloških mjera. Istovremeno, normirano je da bez pozitivnog mišljenja edukatora nakon završene edukacije za potencijalne hranitelje JU Kantonalni centar za socijalni rad ne može pristupiti donošenju pomenutog rješenja.

Pored navedenog, u ovom periodu značajan dio stručnih radnika Centra bio je spriječen dolaziti na posao zbog toga što su oni ili članovi njihovih porodica bili zaraženi koronavirusom. Zbog aktuelnih mjera prema novim zapošljavanjima nije bilo moguće vršiti popunu upražnjenih radnih mjesta, što se neminovno odrazilo i na rad Centra za socijalni rad. Po ovom pitanju propisani poslovi kontaktiranja porodica potencijalnih hranitelja na terenu, obilaska štićenika u ustanovama socijalne zaštite i procjene mogućnosti njihovog zbrinjavanja kroz institut hraniteljstva, obilaska roditelja i srodnika hranjenika i sl. Vršeni su otežano i usporeno:

b) rješenja o smještaju u hraniteljske porodice, za čije donošenje je neophodna prethodno pribavljena saglasnost Ministarstva za rad, socijalnu politiku, raseljena lica i izbjeglice Kantona Sarajevo u pogledu iznosa hraniteljske naknade i naknade za izdržavanje hranjenika, što se također čeka nešto duže, uvjetovano je sličnim razlozima sa kojima se susreće i Centar.

Posljedica je povremeno probijanje rokova u vođenju postupaka i kašnjenje sa isplatama naknada.

- Isto tako važno je naglasiti da JU "Kantonalni centar za socijalni rad" Sarajevo **ni u jednom slučaju nije uskratio uslugu smještaja hranjenika u hraniteljsku porodicu**, jer su hranjenici za koje su postojale pretpostavke za smještaj, upućivani na adaptivni period u hraniteljske porodice do momenta dobijanja saglasnosti resornog Ministarstva, usprkos činjenici administrativnog kašnjenja u provođenju procedura isplate naknade hraniteljima tek po dobijenim saglasnostima resornog ministarstva.

Stabilizacijom stanja po pitanju pojave koronavirusa, te uspostavljanjem normalnog rada u punim kapacitetima kako u Centru tako i resornom Ministarstvu, stvorile bi se pretpostavke za prevazilaženje ovih situacija.

Pored navedenog, a u cilju prevazilaženja problema dužih rokova administriranja predlažemo izmjene materijalnih propisa kroz uvođenje mogućnosti davanja usmene saglasnosti JU Kantonalni centar za socijalni rad za donošenje rješenja u pogledu ostvarivanja prava na hraniteljske naknade. Navedeno temeljimo na tome da se takav sistem pokazao vrlo korisnim i praktičnim u Tuzlanskom Kantonu, gdje Centar za socijalni rad sačini službenu zabilješku o dobijenoj usmenoj saglasnosti ministarstva te bez odlaganja pristupa donošenju rješenja o smještaju, a ministarstvo propisanu saglasnost naknadno dostavlja Centru u pisanoj formi.

Ovakvo postupanje (po usmenom nalogu ili saglasnosti) je praksa i u komunikaciji između tužilaštva i policijskih organa, zbog čega smatramo da ni u našem slučaju ne postoje opravdani razlozi neuspostavljanja ovakve pozitivne prakse.

Takoder, smatramo da bi se procesi organizovanja edukacija od strane resornog federalnog ministarstva mogli znatno ubrzati ukoliko bi resorno kantonavno ministarstvo obezbjedilo dodatna sredstva za određeni broj edukacija u toku godine, jer se trenutno ovaj problem najčešće prevazilazi na način da se troškovi edukacije i edukatora pokušavaju obezbjediti posredstvom nevladinih organizacija (uglavnom HHC).

S poštovanjem

Dostaviti:

-Naslovu

-a/a

*Pri rufellu
07. 12. 2020.
Cris Mujica*



DIREKTOR

Mr.sc Samir Suljagić dipl.ser